

“ТАСДИҚЛАНГАН”

“Ўзагросуғурта” АЖ
акциядорларининг 2020 йил
29 июлдаги 53-сонли
йиғилиши

“Ўзагросуғурта“ акциядорлик жамиятининг Аудит қўмитаси тўғрисидаги

Низом

I. Умумий қоидалар

1. Мазкур Низом (қуйида – «Низом») «Ўзагросуғурта» АЖ (қуйида «Жамият») Кенгашининг Аудиторлик Қўмитаси фаолиятининг асосий мақсадлари, ҳуқуқлари ва ваколатларини ҳамда Аудиторлик Қўмитаси таркибини шакллантириш ва ишлаш тартибини белгилаб беради.

2. Аудиторлик қўмитаси Жамият Кенгашининг Жамият молиявий-хўжалик фаолияти устидан назорат қилиш соҳасидаги вазифаларини самарали бажарилишига қўмаклашиш мақсадида тузилган коллегиял маслаҳат органидир.

3. Жамиятда тегишли ички назорат тизимини ташкил этиш ва қўллаб- қувватлаш мақсадида Жамият Кенгаши томонидан Аудиторлик қўмитаси тузилади, ва унинг таркибига фақатгина Кенгаш аъзолари киритилади.

4. Аудиторлик қўмитаси Жамият Кенгаши томонидан тасдиқланадиган 3 (уч) кишидан иборат.

5. Аудиторлик қўмитаси Раиси ва унинг аъзолари Жамият Кенгаши Раиси тавсиясига биноан Жамият Кенгаши томонидан тасдиқланади.

6. Аудиторлик қўмитаси Раиси Жамият Кенгашининг мустақил аъзоси ҳисобланади.

7. Аудиторлик қўмитаси томонидан кўриб чиқиладиган масалаларнинг ўзига хослигини инобатга олиб, Аудиторлик қўмитаси йиғилишларида қўмита аъзолари бўлмаган шахсларнинг иштирок этишига фақат Аудиторлик қўмитаси Раиси таклифига кўра йўл қўйилади.

II. Аудит қўмитасининг асосий вазифалари

1. Аудиторлик қўмитасининг асосий вазифалари қуйидагилардан иборат: а) ички аудит сиёсати ва молиявий ҳисоботни ишлаб чиқиш;

б) молиявий ҳисобот тақдим этилиши устидан назоратни амалга ошириш;

в) Жамиятнинг ички ва ташқи аудиторларининг ўзаро таъсирини назорат қилиш;

г) ташқи аудиторлар, уларнинг ҳақ миқдорини тасдиқлаш ёки Жамият Кенгашига тайинлаш ва улар билан тузилган шартномани бекор қилиниши бўйича тавсиялар бериш;

д) аудит қилиниши лозим бўлган маълумот ҳажми ҳамда аудиторлик текширувларини ўтказиш даврларини кўриб чиқиш ва тасдиқлаш;

е) аудиторлик ҳисоботларини олиш ҳамда назорАЖ тизимидаги камчиликларни, сиёсатлар, қонунчилик ва стандартларга номувофиқликларни, ҳамда аудиторлар ва назорат қилувчи бўлинмалар томонидан аниқланган бошқа камчиликларни бартараф этиш бўйича ҳаракатларнинг Жамият Бошқаруви ва бўлинма раҳбарлари томонидан ўз

вақтида бажарилишини назорат қилиш. Жамият Кенгаши Раисига камчиликларни бартараф этишнинг бориши ҳақида ҳисоботларни тақдим этиш;

ё) бухгалтерия ҳисоби сиёсатини жорий қилиш;

ж) Жамиятда умумий таваккалчиликларни бошқариш ва ички назорат тизими тузилмаси ва самарадорлиги юзасидан ташқи экспертлар фикрларини кўриб чиқиш.

з) Аудит хизматининг ички аудиторлик текширувлар ўтказилиши бўйича тақдим этиладиган ҳисоботларини ўрганиш;

и) ички аудит бўйича чорақлик ҳисоботларни ўрганиш ва уларни Жамият Кенгашига тақдим этиш;

к) ички аудит хизматининг йиллик ва ярим йиллик иш режалари ҳамда фаолияти бажарилишини назорат қилиш;

л) аудит хизмати фаолиятининг мустақиллигини таъминлаш, шунингдек унинг фаолияти ҳамда текширишларни ўтказиш мазмуни ва ҳажмига Жамият Бошқаруви аъзолари ва Жамиятнинг бошқа бўлинмалари раҳбарларининг аралашувига йўл қўймаслик.

III. Аудит қўмитасининг аъзоларига қўйиладиган талаблар

1. Аудиторлик қўмитаси таркибига кирувчи Жамият Кенгаши аъзолари Жамият Кенгашининг бошқа қўмиталари аъзолари этиб тайинланиши мумкин эмас.

2. Аудиторлик қўмитасининг аъзолари Жамият аудит хизмати вазифаларига ва фаолиятига мос келувчи олий маълумот ва етарли иш тажрибасига эга бўлиши лозим.

3. Аудиторлик қўмитасининг камида битта аъзоси молиявий ҳисоботнинг тузилиши бўйича малакага эга бўлиши, бухгалтерия ҳисоби ёки аудит бўйича мутахассис бўлиши лозим.